

洞天奧旨卷

二十二

謬陳古鑄敬之甫號遠金

曾孫陳鳳翔傳

龜齋圖式王尚甫號存齋評

李森增方溯洄錄

走馬牙瘡

走馬牙瘡小兒之病也小兒多食肥甘腸胃難化積而不散其火上炎且小兒又是純陽原多火也火多必湏水解小兒食既不化何生水平水既不生則胃火益熾齒牙又胃之部位也故火結而成瘡矣牙已生瘡而兒又索食所

喜者必水菓居多本欲得水菓以解渴也誰知胃已有熱
又加水濕則濕熱相合而疳病更重矣走馬牙疳者言其
勢如走馬之急也火重則急火輕則緩若不早治則火爍
津液牙斷餌斷齒多脫落而死者有矣治之得法往往有
響應者大約內服清胃之藥外用白綠丹無不神效也

清胃滑疳湯 岐天師傳內治走馬牙疳

石膏一錢人參三分蘆薈一錢黃柏五分

茯苓錢 炙甘草三分 生地一錢 天花粉一錢 水煎服

數劑必輕

白綠丹

外治走馬牙疳

人中白

一錢
細銅綠三分
麝香一分
蚯蚓二條

葱白

汁浸火炙爲末各爲細末傳之立愈

口疳

口生疳瘡皮破涎流重者每每血出甚而唇吻腮頰俱爛此乃胃中有熱又食生冷水棗重添其濕濕熱相兼因其生疳而至爛肉生細蟲以餌皮餌肉也夫胃中濕熱何上發于口蓋口乃脾之竅也胃本無竅而脾乃胃之妻也况脾胃爲表裡脾之竅卽胃之竅也而胃之經絡又左右而

繞唇口且熱乃火也火性上炎濕借火而上沸故口上應之也治法內服瀉胃之熱導脾之濕外用欖核散擦之可計日而愈矣

瀉導湯 治口生瘡瘍

石膏一錢 芙苓二錢 滑石一錢 澤瀉一錢

甘草五分 黃柏一錢 貞母一錢 水煎服小兒減牛

二劑 開用擦藥

欖核散 外治口瘡

欖核散 乾兒茶一錢 水片五厘 白徵三分

生甘草三百部分各爲細末日日搽之每日搽五次數日卽愈

鼻疳

鼻內生瘡癢時難忍欲忍而不能欲忍而不得言語糊塗聲音閉塞此鼻疳也夫鼻之竅乃肺之竅也肺病而氣難宣則鼻乃生瘡矣故鼻疳雖是鼻之病其實肺之病也夫肺病宜肺內生瘡乃不生于肺中而生于鼻之內者以熱而兼濕也熱乃火也濕乃水也水能制火故火在肺而不致生瘡火炎于鼻而水不能上升鼻之竅細小然不能散

火也故成瘡而不成癰矣雖不成癰而瘡之毒亦不易化去其濕熱則水下行而火上散然後以外藥吹之則氣通而毒消矣

化散湯 岐天師傳內治鼻瘡

青黛二錢 桔梗二錢 白芷八分 百部一錢

茯苓二錢 木通一錢 黃芩二錢 天冬三錢

玄參二錢 甘草一錢 辛夷五分 水煎服四劑

通氣丹 家傳外治鼻瘡

兒茶三錢 蘿葉一錢 雄黃一錢 蜜粉五分

冰片

一分
鍋膽烟

五分

細辛

三分

各研爲細末吹人

鼻孔中日三次數日卽愈

綠白散

外治鼻瘡且治腎瘡頭瘡耳瘡俱效

石綠一錢

白芷一錢

黃柏一錢爲末先以甘草水

洗瘡拭淨敷之一日卽愈

喉瘡

瘡之瘡卽雙蛾之症也有陰有陽陰乃少陰之君火陽
乃少陽之相火也二症最急若不早治一二日間死生係
之輕緩而重急也陰火症用八味地黃湯神效陽火症內

服解火之劑外用吹藥亦效應如响總不可緩治之也

八味地黃湯 仲景張真君方治陰症喉瘡

熟地一兩 山藥四錢 山茱萸四錢 茯苓二錢

丹皮二錢 潤澤一錢 附子一錢 肉桂一錢 水煎一

碗探冷服一連數劑全愈

牛黃至寶丹 岐天師傳治陽火喉瘡

牛黃一分 膽礬二分 皂角末一分 麝香三厘

冰片一分 兒茶五分 百草霜一錢 共爲末和之 吹入

喉中 五厘必大吐痰而愈 後用煎劑敷喉瘡

救急湯
岐天師傳治陰陽二火喉瘡

青黛一錢
山草根仁五錢
玄參五錢
麥冬五錢

甘草一錢
天花粉三錢
生地五錢
水煎服數劑不再

發

月蝕瘡

月蝕瘡者多生于耳邊或耳之下也此瘡小兒生俱多然足陽明胃經無濕熱與足少陽膽經無鬱氣則不生此瘡也然此乃小瘡耳不必內治倘其瘡大而餲不止者必宜內治爲佳內治之法瀉胃與小腸之濕熱而外用未藥調

擦斷不久延也設或瘡蝕不大是濕熱不熾何必用內治
之法哉

龍化丹 岐天師傳治月蝕瘡

黃丹一錢 赤枯礬一錢 蚝蠅糞三錢 水片一分

輕粉三分 烟膠一錢 爐甘石一錢 各爲末研細用香

油調擦數日卽愈

粉灰放 岐天師傳治小兒耳爛生瘡

輕粉一錢 棗子燒灰一錢 蚝蠅糞火焙乾

生甘草五分各研末油調搽卽愈

鍼指疳

疳瘡生于手足最不易治以十二經井穴多起于手足也
井穴既有十二經之分則疳生于少商宜治肺生于少衝
宜治心生于大敦宜治肝生于隐白宜治脾生于湧泉宜
治腎矣生于中衝宜治心包絡生于商陽宜治大腸生于
少澤宜治小腸生于竅陰宜治膽生于厲兑宜治胃生于
至陰宜治膀胱生于關衝宜治三焦矣然而手足者四肢
也四肢屬脾之部位故疳雖生于十二經之井邊而治法
斷不可單治井經也蓋疳之生也本于脾臟之濕熱也濕

熟善腐諸物長夏正濕熱盛之時也不見萬物之俱腐乎
故治法必須治脾之濕熱爲主治脾而胃亦不可置之也
脾胃表裡治則同治耳或見瘡生于井穴少分各井而佐
之何經之藥尤治之神也

加味五苓散 祖傳治手足鍼指瘡

白术二錢 芍药二錢 金銀花五錢 猪苓一錢

澤瀉一錢 防桂二分 龍膽草二錢 蕺苓三錢

天花粉三錢 水煎服四劑後以外治治之

六星丹 岐天師傳外治鍼指瘡神效

兒茶 五錢 雄黃 一錢 水片 二分 輕粉 三分

滑石 二錢 血竭 五分 各爲絕細末先以淡甘草三錢

苦參 五錢 煎湯洗之後擦之

袖手瘡

袖手瘡者生龜頭之頸上皮包于內而外不顯也凡龜頭生瘡瘍多是淫毒所感因嫖妓而得也然而因嫖而生者不止生于龜之頭今止生于龜頭而外又皮裹之乃腫于皮肉之內也非淫瘍實熱瘍也內用瀉火祛毒之藥數劑然後以外藥水浸之自必收功

暗治飲 治袖手瘡

黃柏 三錢 茯苓 五錢 蒲公英 三錢 柴胡 一錢

白芍 五錢 生甘草 一錢 龍膽草 一錢 蒜薹草 二錢 水煎服

服數劑

外護丹

豬膽 二個取汁 龍膽草 三錢煎汁 蚊蚓 五條搗爛

用二汁淋洗去蚊蠅加入冰片末 三分入雞蛋殼
內套在龜頭上浸之漸愈

躁瘡

臊瘡生于玉華之民亦楊梅之先兆也然梅瘡甚毒多得
之于妓女龍陽之子倘未交二種止于妻妾之中得之此
自己本有濕熱或加憤怒而強暴動浮亦能生瘡瘡名臊
疳以肝性主臊故疳亦以臊名之也內用平肝之劑外用
六星丹搽之無不痊也

化淫消毒湯

白芍一兩當歸五錢炒梔子三錢蒼朮三錢
生甘草一錢金銀花一錢青黛三錢生地三錢

土茯苓五錢水煎服四劑愈

陰疳

陰疳者生瘡于陰戶之內也時癟時瘻往往有不可忍之
狀其氣腥臊作臭無物可以解癢倘愈交接則愈痛矣最
可憐之症也此瘻多因于慾火之動而又有濕感之火炎
水流兩相牽制畱而閉結乃化而生瘻久則生蟲也此蟲
雖生于陰戶然實化于肝腎或思男子而不可得火以成
之也或交男子而感其精毒以長之也總無濕不生蟲亦
無濕不生瘻也當細察其由來治之內治之後仍以外治
同施鮮不卽痊矣

加味逍遙散 家傳方內治陰瘡

柴胡二錢 白朮五錢 茯苓三錢 甘草一錢

白芍五錢 陳皮一錢 當歸二錢 炒梔子三錢

荆芥一錢 防風五分 龍膽草二錢 天花粉二錢

玄參五錢 水煎服入劑

桃仁散 岐天師方外治陰瘡

桃仁二十一粒 研爛 雄黃末二錢 白微末二錢 紫草五分 各研

細末蘸雞肝內納陰戶中日三易之先用針刺雞

肝無數孔納之